

Յ Ա Ի Ե Լ Ո Ւ Ա Ծ Է

Տ . Յ Ա Կ Ո Վ Բ Ա Յ Բ Ա Ղ Տ Ա Ս Ա Ր Ե Ա Ն

Օ Ր Ա Գ Ր Ո Ւ Թ Ի Ի Ն

Դ Ի Վ Ո Ւ Ա Ծ Ո Յ Ն Մ Ե Բ Ո Յ Յ Ե Բ Կ Ր Ի Ն Լ Ե Հ Ա Ց

Յ Ա Մ Ի Տ Ե Ա Ռ Ն Ռ 2 Դ (170 սեպտ.)



Ի սեպտեմբերի 5. — Յաւուր վեցշաբաթու, եկին Սվէտք լուծերականք ի Լէօպօլիս, իբր 30,000ք, որք յերից ամաց և այսր զաւերս բազումս ածեալք էին երկրիս Լեհաց, և զօճիոս ոչ սակաւ գործեալք յամենուրեք: Որոց ի գալն՝ գոլով իմ՝ յարտաքաղաքի անդր, ելեալ ի վանաց Ս. Աննայի, գնացի առ Ս. Խաչն, որ է հանգէպ նոյնոյ վանացն ի վարժատանն քահանայապետական, իբր առ տեղի ապահովագոյն:

6. — Յաւուր շաբաթու, նախ քան զլուսանալ այգուն, առին զքաղաքն, որպէս ասի՝ մատնութեամբ, և սպանին զանձինս 180, որք յառաջնում գիմմանն պատահեցան նոցա, որ և զտունս բազմաց՝ մանաւանդ Հայոց՝ յաւար հարին. ընդ որս և զտունն մեր՝ որ ի քաղաքի անդր, հուպ եկեղեցւոյն:

7. — Ի կիրակէի յաւար հարին եւս զարտաքաղաքն, որպէս և զվանքն մեր, և զմնացեալ կահն կողոպտեցին: Ճէնէրայն Ըշտէմպէք՝ այր գոռոզ և անողորմ, որ յերեկեան աւուրն հրամայեալն էր աւարել զքաղաքն, այսօր պահանջեաց եւս ի նոյնոյ քաղաքէն զհարկ 300,000աց զուռուչից, որ և զդատաւորս Լեհաց և Հայոց, նաև զեկեղեցականս ժողովեալ յաշտարակ Դատարանին՝ փակեաց, ասելով. Ոչ ելանէք աստի՛ մինչև զհարկն նախասացեալ ոչ բաժանիցէք ի վերայ եկեղեցեաց, եկեղեցականաց, և այլոց քաղաքացեաց, որպէս զի ցաւուրս տասն բովանդակ զուսարտակն հատուցանիցի ինձ. որ եթէ մինչև ցնախանջանակեալ օրն ոչ վճարեսցի բոլորն, բըռ-